



21. august 2009

UKA 2009/68

Inatsisartut suleriaasianni § 36, immikkoortoq 2 naapertorlugu matumuuna imaattumik Naalakkersuisunut apeqquteqarpugut:

**Naalakkersuisunut apeqqut: Ilinniagaqartut qitornallit ilinniarnermi atugarisaat pitsanngorsaaviginiarlugit Naalakkersuisut sulinerat sumut killippa?**

(ATASSUT-ip Inatsisartuni ilaasortaataitai: Finn Karlsen, Siverth K. Heilmann, Knud Kristiansen)

**Tungavilersuut:**

Ilinniagaqartut qitornallit atugaat pitsanngorsaavigineqaqqullugit periaasissatut aalajangersakkat nutarterneqarnissaat pitsanngorsarneqarnissaallu siunertaralugu Naalakkersuisut sulissuteqaqqullugit Inatsisartut aalajangiiffigisassaattut siunnersuut Inatsisartut 2008-mi upernaakkut ataatsimiinneranni (UPA 2008/68 - UKA 2008/23) siullermeerlugu 2008-milu ukiakkut aappassaaneerlugu suliarineqarmat ATASSUT-mit nuannaarutigisatsinnik siunnersuuterput amerlanerussuteqartut, tassa Siumup aamma ATASSUT-ip Inatsisartuni ilaasortaataasa akuerivaat, tamannalu tungavigalugu Naalakkersuisut suliniutinik siunertamut naapertuuttunik suliaqartussanngorlutik.

Ilinniagaqartut qitornallit arlalissuannngortut oqaloqatigisarnersigut kingumut naqissuserneqarpoq naapertuunnerusumik aaqqiisoqarnissaa ilumut pisariaqartinneqartoq, Inatsisartunilu amerlanerussuteqartut tamanna naammassineqaqqullugu aalajangiussereernerat innersuussutigalugu matumuuna ATASSUT-mit Naalakkersuisunut apeqqutigissavarput ilinniagaqartut qitornallit ilinniarnermi nalaani atugaasa pitsanngorsaavigineqarnissaanik sulissutiginninneq sumut killinnersoq.